



«ԵՐԵՎԱՆԻ ՄԻԽԻԹԱՐ ՀԵՐԱՑՈՒ ԱՆՎԱՆ  
ՊԵՏԱԿԱՆ ԲԺՇԿԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄ

“YEREVAN STATE MEDICAL UNIVERSITY  
AFTER MKHITAR HERATSI” FOUNDATION



ՀՀ, 0025, Երևան, Կորյունի փ. 2 • Koryun St. 2, Yerevan, 0025, Republic of Armenia • Tel: +374 10 582532 • Fax: +374 10 564111 • URL: www.ysmu.am • E-mail: genserv@ysmu.am

թիվ 09/1901

«10» .....10.....2019թ.

**<<Դայմոնդ Մեդ>> ՍՊԸ-ի տնօրեն  
Յուլիանա Պետրոսյանին  
/ՀՀ, ք. Երևան, Մամիկոնյանց 49/1 քն. 29/**

**Հարգելի տիկին Պետրոսյան.**

<<Երևանի Միխիթար Հերացու անվան պետական բժշկական համալսարան>> հիմնադրամի (այսուհետև՝ Համալսարան) և <<Դայմոնդ Մեդ>> սահմանափակ պատասխանատվությամբ ընկերության (այսուհետև՝ Կազմակերպություն) միջև 2019 թվականի ապրիլի 04-ին կնքված <<Բժշկական նշանակության ապրանքների մատակարարման>> թիվ <<ԳՀԱՊՁԲ-2019/16-16-ԵՊԲՀ-4>> պայմանագրի (այսուհետև՝ Պայմանագիր) համաձայն, Կազմակերպությունը պարտավոր էր Համալսարանի կողմից պահանջ ներկայացնելու օրվանից հաշված 20 օրացուցային օրվա ընթացքում մատակարարել պահանջում առկա ապրանքները՝ համապատասխան քանակներով: Պայմանագրի շրջանակներում <<Դայմոնդ Մեդ>> սահմանափակ պատասխանատվությամբ ընկերությանը 05.06.2019թ.-ին ներկայացվել է ապրանքների մատակարարման պահանջ թիվ 1-ը, և 18.06.2019թ.-ին ներկայացվել է ապրանքների մատակարարման պահանջ թիվ 2-ը, որոնց մատակարարման վերջնաժամկետ է սահմանվել՝ համապատասխանաբար թիվ 1 պահանջի համար 24.06.2019թ.-ը, թիվ 2 պահանջի համար՝ 07.07.2019թ.-ը, սակայն Կազմակերպության կողմից մինչ օրս՝ 10.10.2019թ.-ը մատակարարվել է թվով 8 հատ <<Միզածորանային ստենտ հակաբակտերիալ, Bioteq>> (5 հատ մատակարարվել է 17.07.2019թ.-ին, 3 հատ՝ 15.08.2019թ.-ին, որի ընդհանուր արժեքը կազմել է 112000 (մեկ հարյուր տասներկու հազար) ՀՀ դրամ):

Համալսարանի ռեկտորի հրամանով ստեղծված Պատասխանատու ստորաբաժանման կողմից 03.09.2019թ.-ին պատշաճ կերպով մատակարարումներ չիրականացնելու մասին ծանուցվել է Կազմակերպությանը և տրվել է 5 օրացուցային օր ժամկետ՝ մատակարարումները մնացորդային մասով իրականացնելու համար, սակայն սահմանված ժամկետներում մատակարարում տեղի չի ունեցել:

Համալսարանի ռեկտորի կողմից 2019 թվականի հոկտեմբերի 01-ին օրապահանջով սահմանվել է նոր ժամկետ՝ մինչև 2019 թվականի հոկտեմբերի 04-ը ներառյալ:



1789

վերաբերյալ պատշաճ եղանակով իրականացվել է տեղեկացում Կազմակերպությանը, սակայն նոր սահմանված ժամկետներում նույնպես մատակարարում տեղի չի ունեցել:

Հիմք ընդունելով Պայմանագրի 2.1 կետի 2.1.7 ենթակետը՝ Համալսարանը 2019 թվականի հոկտեմբերի 10-ից՝ միակողմանի լուծում է Պայմանագիրը, որի ընդհանուր արժեքը կազմում է 4870000 (չորս միլիոն ութ հարյուր յոթանասուն հազար) ՀՀ դրամ:

Տեղեկացնում ենք նաև, որ «Դայմոնդ Մեդ» սահմանափակ պատասխանատվությամբ ընկերությունից կգանձվի պայմանագրի կատարման ապահովման գումար՝ որպես պայմանագրով ստանձնվող պարտավորությունների կատարումն ապահովող միջոց (տուժանք) 487000 (չորս հարյուր ութսունյոթ հազար) ՀՀ դրամի չափով («Հայբիզնեսբանկ» փակ բաժնետիրական ընկերություն, հաշվեհամար՝ 11500166513800):

**Հարգանքով՝**

**ՌԵԿՏՈՐ**



**Ա. Ա. ԱՌՈՒԳԱՂՅԱՆ**

